

LUTRIJA BOSNE I HERCEGOVINE d.o.o.
S A R A J E V O

Broj:03-MS-685-1/23

Dana:10.04.2023.godine

Na osnovu člana 17. Zakona o igrama na sreću ("Sl. novine FBiH", broj 48/15 i 60/15), člana 7. Pravilnika o sadržaju pravila, uvjetima i načinu priređivanja nagradnih igara („Sl.novine FBiH“, broj 30/16, 63/19, 92/20 i 12/22) i člana 29. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), direktor Lutrije Bosne i Hercegovine, donosi

P R A V I L A
o organizovanju nagradne igre "TV Bingo Family Run"

Član 1.

Ovim Pravilima detaljno se uređuju uslovi za organizovanje nagradne igre "TV Bingo Family Run" koju priređuje Lutrija Bosne i Hercegovine d.o.o. Sarajevo (u daljem tekstu: Priređivač), sa sjedištem u Sarajevu, ulica Mehmeda Spahe br. 11, ID broj: 4200496180007, registrovana kod nadležnog suda, čija je djelatnost priređivanje svih vrsta igara na sreću.

Član 2.

Nagradna igra se priređuje u svrhu promocije brenda Lutrije BiH i brenda igre TV Bingo.

Nagradna igra se priređuje u periodu od 13.04.2023.godine do 06.05.2023.godine do 11,45h.Vrijeme utrke ulazi u period trajanja nagradne igre.

Agencija Rekretiva d.o.o. je angažovana od strane Lutrije BiH da organizuje i realizuje promotivnu trku bez takmičarskog karaktera pod nazivom "TV Bingo Family Run" u dužini od 3 km.

Trka će biti održana na Vilsonovom šetalištu, sa startom i ciljem u blizini spomenika "Ikaru" i "Stage Parka". Start trke je u 11:00h. Vremenski limit trke je 45minuta.

Član 3.

Nagradna igra se organizuje na teritoriji Federacije Bosne i Hercegovine.

Član 4.

Pravo učešća u nagradnoj igri i mogućnost osvajanja nagrada imaju pojedinci ili timovi koji u periodu od 13.04.2023.do 06.05.2023.godine izvrše potpunu prijavu za trku TV Bingo Family Run, preuzmu startni broj, dođu na start i istrče zadanu dužinu sa pripadajućim startnim brojem u zadanom vremenom periodu od 45 min.

Prijavu na trku je moguće izvršiti putem stranice <https://sarajevomarathon.ba/> u periodu od 13.04.2023. do 05.05.2023.godine, dok je na dan trke 06.05.2023.godine prijava moguća isključivo na mjestu održavanja utrke (Vilsonovo šetalište spomenik "Ikaru" i "Stage Park") u period od 9,00h do 10,30h.

Starni brojevi se preuzimaju na mjestu održavanja utrke (Vilsonovo šetalište spomenik "Ikaru" i "Stage Park") dana 05.05.2023.godine u period od 10,00h-18,00h i dana 06.05.2023.godine u period od 09,00 h-10,30h.

Član 5.

Učešće u nagradnoj igri nije dozvoljeno osobama koje su zaposlene kod Priređivača niti osobama koje su zaposlene kod Organizatora i realizatora trke - Rekreativa d.o.o.

Član 6.

Nagradu preuzima trkač čiji je broj izvučen ili kapiten tima (u oba slučaja punoljetna osoba) sa prikazom broja koji je izvučen.

Član 7.

Izvlačenje nagrada će se obaviti na principu da će voditelj nakon održane trke iz posebno pripremljene kutije u kojoj će se nalaziti startni brojevi trkača koji su stekli pravo učešća u nagradnoj igri, izvlačiti brojeve koji se podudaraju sa preuzetim brojevima trkača-tri sretna dobitnika.

Izvlačenje dobitnika utješnih nagrada i glavne nagrade će biti izvršeno na postojećoj bini.

Član 8.

Ukupni nagradni fond iznosi **2.985,15 KM** sa PDV-om i sastoji se od:

1. Putovanje u Istanbul za dvije osobe: 2.295,00 KM bez PDV-a, 2.685,15 sa PDV-om

2. 3x paket srećki u vrijednosti od po 100,00 KM ukupno 300 KM.

Ukupnan iznos nagrada i porez za navedene nagrade snosi Lutrija BiH, i isti finansira iz vlastitih sredstava.

Član 9.

Ukupni troškovi organizovanja igre iznose 3.462,61 KM i sastoje se od:

- nagradni fond 2.985,15 KM
- 6 % ukupne vrijednosti 179,11 KM nagradnog fonda - humanitarne organizacije
- Porez na dobitke-putovanje 298,35 KM

Član 10.

Izvlačenje nagrada je javno i biti će održano dana 06.05.2023.godine (nedjelja) u 12,30 sati, u Vilsonovom šetalištu ispred spomenika "Ikaru" i "Stag Parka" uz prisustvo tročlane komisije imenovane od strane Direktora.

Član 11.

Izvlačenje dobitnika će biti realizovano iz formirane baze prikupljenih podataka koje će Priređivaču na osnovu podataka iz prijavnog obrasca dostaviti organizator utrke Rekreativa d.o.o.

Član 12.

Komisija nakon izvlačenja sastavlja Zapisnik o izvlačenju sa podacima: ukupan broj učesnika u izvlačenju koji treba da sadrži:

- a) Mjesto i vrijeme izvlačenja dobitnika;
- b) Broj i datum odobrenja Ministarstva;
- c) Datum i naziv medija u kojem su pravila nagradne igre objavljena
- d) Ime i prezime članova komisije
- e) izvučeni broj-startni broj trkača,
- f) ime i prezime i adresu dobitnika,
- g) broj mobitela dobitnika,
- h) naziv i vrijednost nagrade pojedinog dobitka.

Član 13.

Ukoliko dobitnici nagrada ne budu prisutni na samom izvlačenju biti će naknadno kontaktirani od strane Priređivača.

Član 14.

Učesnici trke, kao i dobitnici pristaju da se njihovo ime, prezime te fotografija sa izvlačenja kao i sa putovanja koriste u promotivne svrhe.

Član 15.

Prilikom preuzimanja nagrada dobitnik je dužan pokazati startni broj i lični identifikacioni dokument predsjedniku komisije.

Dobitnik Putovanja je dužan naknadno doći u Direkciju Lutrije BiH i preuzeti potvrdu o dobitku.

Član 16.

Ime i prezime dobitnika će biti objavljeno putem web stranice Priređivača www.lutrijabih.ba i facebook stranice Lutrije BiH, dan nakon izvlačenja.

Član 17.

Rok za preuzimanje nagrada je 30 /trideset/ dana od dana prijema obavijesti od strane Lutrije BiH.

Član 18.

Ako dobitnici nagrada u roku iz člana 15. ne preuzmu potvrdu/nagradu, stručne službe Lutrije BiH će u roku od 8 dana od isteka navedenog roka, ponovno uputiti obavijest dobitnicima nagrade, te odrediti naknadni rok za preuzimanje nagrade koji ne može biti duži od 8 dana od dana prijema obavijesti.

Član 19.

Ako dobitnici nagrada ni u naknadnom roku ne preuzmu osvojenu nagradu, gube pravo na istu, a Priređivač je dužan postupiti na način propisan članom 11. Pravilnika o sadržaju pravila, uslovima i načinu priređivanja nagradnih igara.

Član 20.

Učestvovanjem u nagradnoj igri učesnici se slažu i obavezuju se poštovati Pravila nagradne igre. Učesnici učestvovanjem u nagradnoj igri neopozivo prihvataju da je Priređivač ovlašten na slanje promotivnih SMS i email poruka na brojeve telefona učesnika u nagradnoj igri.

Član 21.

Priređivač zadržava pravo prolongirati, otkazati, prekinuti ili staviti u stanje mirovanja nagradnu igru u slučaju više sile (zaraze računarskim virusom, bagova, manipulacije, neovlaštenog zahvata, prevare, tehničkog kvara, ljudske pogreške koja je izvan kontrole Priređivača) ako je time ugroženo upravljanje, sigurnost, pravičnost, etičnost ili ispravna provedba nagradne igre.

Član 22.

Priređivač zadržava sva prava izmjene Pravila nagradne igre u bilo koje vrijeme tokom trajanja nagradne igre, uz prethodnu saglasnost Federalnog ministarstva finansija.

Svaka izmjena nagradne igre, uključujući produženje ili skraćivanje trajanja nagradne igre, bit će objavljena na web stranici Lutrije BiH www.lutrijabih.ba, te se primjenjuje od dana objave.

Član 23.

Priređivač ne preuzima odgovornost ako učesnik nije upoznat sa izmjenama pravila nagradne igre, ukoliko su ista objavljena na web stranici Priređivača.

Član 24.

Priređivač ne preuzima odgovornost u slučaju da je dobitnik pružio netačne podatke ili informacije, koje su dovele do nemogućnosti dodjeljivanja nagrade.

Član 25.

Za rješavanje sporova koji proisteknu iz učestvovanja u nagradnoj igri "TV Bingo Family Run" mjesno i stvarno je nadležan Općinski sud u Sarajevu.

Član 26.

Ova Pravila se primjenjuju danom objavljivanja u jednoj od dnevnih novina i bit će objavljena i na web stranici Priređivača.

DIKRETOR

Edhem Pašukan, s.r.

Na ova Pravila nagradne igre izdato je odobrenje Federalnog Ministarstva finansija/finansija broj : UP-05-12-1-375/23 od 12.04.2023. godine

